


GRATIS AWE Mainta



celebrando **10** año
2004 - 2014

ARUBA SCHOLARSHIP FOUNDATION A CELEBRA SU DI 25 ANIVERSARIO



Dia 28 di februari 2014, directiva di *Aruba Scholarship Foundation (ASF)* a celebra su di 25 aniversario. *Aruba Scholarship Foundation* ta hopi orguyoso pa su gran logronan den comunidad Arubano. Tur año e fundacion tabata y lo keda yuda e hobennan pa sigui un estudio di enseñansa superior.

Aruba Scholarship Foundation a tene un encuentro informal extraordinario na un forma hopi amistoso na cas di Thais Nierop. Manera semper e miembronan di directiva di e fundacion ta cubri tur gasto di un celebracion;

ningun sen preto no ta sali for di caha di ASF pa un actividad. E Presidente nobo, Frits Goedgedrag, a dirigi su mes n'e publico presente, specialmente n'e miembronan saliente, expresando palabra di reconocimiento y gradicimento.

Tambe el a duna elogio pa cu e amor y dedicacion cu e miembronan di directiva a traha 25 año boluntariamente na bienestar di e becadonan di e prestigioso fundacion.

E encuentro aki tabatin momento humoristico, y alabes emocionante.